

EXECTRUST

(Edms) Bpk

Voorheen Trustee Kamer

(Edms) Bpk

Reg. Nr/No 1957/001017/07

**NUUSBRIEF 3/2005**

Bestorwe Boedel Spesialiste

Trust Administrasie

Kuratorskap Administrasie

Testament konsultasie en opstel

Ontdekkersweg 460

Florida Park 1710

Posbus 21451

HELDERKRUIN 1733

Foon (011) 472 9308

Faks 0866 74 9909

Sel 084 602 9127

## LEWENS POLISSE – BATES OF NIE BATES?

Dis baie lekkerder om daardie nuutste tuis-teater sisteem aan te skaf of miskien die familie motor te opgradeer, as om u spaar-gelde tersyde te sit vir die ou dag!

Ons ervaar 'n breë spektrum van beleggings opsies deesdae en meeste van hierdie opsies is gemik op daardie persone wat meer spaar kontant het. Die alternatief? Ons kyk na die Lewensversekering Industrie. Dit is ons nederige opinie dat, terwyl 'n polis miskien 'n goeie belegging kan wees (natuurlik hang dit af van die tipe polis wat uitgeneem word) is dit belangrik dat u u makelaar nader vir goeie advies alvorens u die besluit neem. Dit is maklik om foutief op te tree as u nie behoorlike inligting tot u beskikking het nie.

In 'n vorige uitgawe van hierdie nuusbrieff, het ons geraak aan kontanttekorte in bestorwe boedels. 'n Polis, hetsy lewens of andersins, is een manier om 'n kontanttekort in u boedel of besigheid te voorkom.

Neem net kennis dat enige lewens polis, met eksklusies, deelvorm van die berekening wat gebruik word vir Boedelbelasting doeleindes. Daar is net sekere polisse wat wel nie deelvorm van die voorgenoemde berekening nie. Voorbeelde van hierdie eksklusies is Pensioenfondse, ens.

Dus, merk aan wie die polis betaalbaar is by u afsterwe. Polisse aan derde partye betaalbaar word beskou as "geagte"

bates, soos in die Boedelbelastingwet beskryf. Vir die doel van Boedelbelasting berekening, sal hierdie opbrengs in aanmerking gebring word, alhoewel dit nie as 'n bate in u boedel beskou word nie en kan u eksekuteur nie 'n fooi daarop hef nie.

Hierdie feite is maar net 'n paar waaraan aandag gegee moet word.

Ons vertrou dat hierdie notas van hulp sal wees, maar nooi u uit om ons te kontak indien daar enige aspek is wat nie vir u duidelik is nie.

### IS U BOEDEL BELASBAAR?

Die Boedelbelastingwet, soos gewysig, dui aan die formaat van die berekening en welke bates/enkel bedrae (betaalbaar as gevolg van u oorlye) in berekening gebring moet word, terselfdetyd word gemeld welke kortings en aftrekkings toegestaan mag word.

Kortliks, die eersterwende gade se boedel van twee gades wat getroud is (binne of buite gemeenskap van goedere) is nie belasbaar nie, mits die nagelate gade die balans vir verdeling gaan erf.

U is seker bewus van die verskillende tegnieke wat gebruik word ten einde die Boedelbelasting te verminder in u boedel, maar skakel ons gerus indien u verdere inligting benodig.

Wat hierna volg, is 'n basiese Boedelbelasting Berekening wat deur u gebruik kan word om die Boedelbelasting te kan bereken in u boedel. Natuurlik is dit

nie vir ons moontlik om vir elke geval voorsiening te maak nie, maar kan u hierdie berekening gebruik vir die berekening van 'n beraming van die Boedelbelasting wat moontlik in u boedel van toepassing is :

Totale bates  
(Sluit alle motors, meubels,  
beleggings, ens. in) R

Min : Opbrengs van alle  
polisse aan u boedel betaalbaar R

Min : een helfte van die boedel  
weens 'n huwelik in gemeenskap  
van goedere R

Tel by : **alle** polisse betaalbaar  
as gevolg van u oorlye  
(dit sluit in alle polisse aan  
derde partye betaalbaar) R

**Bates** Subtotaal R\_\_\_\_\_

Totale laste R

Min een helfte van laste as  
gevolg van 'n huwelik in  
gemeenskap van goedere R

**Laste** Subtotaal R\_\_\_\_\_

Bates min laste = R

Min Primêr korting R1500 000

Min erfenis aan langsliewende  
gade betaalbaar R

Netto belasbare boedel is dus R\_\_\_\_\_

Boedelbelasting daarop betaalbaar is 20%.